

四庫全書

史部

欽定四庫全書

史部

畿輔通志卷四十六

至

詳校官監察御史臣劉人濬

檢討臣德生覆勘

總校官進士臣繆琪

校對官中書臣范鏊

謄錄監生臣黃嘉績

欽定四庫全書

畿輔通志卷四十六

水利營田

雍正三年秋直隸水既賑既貸烝民既乂

天子乃臨軒而咨命怡賢親王曰昀昀畿甸非三代井畝之區乎平行千里率多淤下而無一溝一澮流行而翕注之不達於川乃潴在田非地利之異於古乃人事之未修也夫水聚之則為害而散之則為利用之

則為利而棄之則為害倣遂人之制以興稻人之稼  
無欲速無惜費無阻於浮議於是以大學士臣朱軾  
為輔行徧歷三輔所以為疏濬排決計者甚脩事具  
河渠志中而於其間經度高下酌畫蓄洩一切引水  
溉田之法課導補助旌叙鼓舞之方咸條列以請

指授乃遵而行之四年先之灤玉諸州邑濬流圩岸建閘  
開渠皆官為經理而工本之費借帑以給歲納什一  
焉是秋田成歲稔凡一百五十頃有奇而民間之聞

風興起自行播種者若霸州文安大城保定新安安  
州任邱共七百一十四頃有奇皆於積潦停淤中隨  
方插蒔盡獲收穫於是爭求節水疏流以成永利而  
四局之設自茲起矣一曰京東局統轄豐潤玉田薊  
州寶坻平谷武清灤州遷安自白河以東凡可營田  
者咸隸焉一曰京西局統轄宛平涿州房山涇水慶  
都唐縣安肅新安霸州任邱定州行唐新樂滿城自  
苑口以西凡可營田者咸隸焉一曰京南局統轄正

定平山井陘邢臺沙河南和磁州永年平鄉任縣自  
潯滏以西凡可營田者咸隸焉一日天津局統轄天  
津靜海滄州暨興國富國二場自苑口以東凡可營  
田者咸隸焉局各有長有副有効力委員凡相度  
估料開築建造皆委員與地方官偕而查報地數  
花名給發農本則專責之地方官田成工訖工程工  
本胥令守土者遵前規而以時達之水利營田府當  
是時

上方以和衷協助期地方文武之吏而

特諭賢王舉劾之故以勤於田功立膺顯擢者有矣一時  
守令皆慕而思奮夫官之所先民罔敢後是故事易  
集而功易成自五年分局至於七年營成水田六千  
頃有奇天心助順歲以屢豐穗稔積於場圃秔稻溢  
於市廛

上念北人不慣食稻恐運糶不時售大賈居積則賤而傷  
農於每歲秋冬發帑收糶民獲厚利向所稱淤萊沮

汝之鄉率富完安樂幽吹蜡鼓相聞可謂極一時之  
盛矣八年 賢王薨司局者無所承稟令不行於令  
牧又各以私意為舉廢九年大學士臣朱軾河道總  
督臣劉於義

奏請遣太僕卿臣顧琮乘傳稽覈之除距水較遠地勢  
稍高須車戽而升者聽民隨便種植外其餘水足地  
平無煩汲升之處取地方官永遠可為水田結狀著  
籍存戶部荒廢者查叅如例議設觀察使二員兼以



憲職分轄京東西督率州縣開營可田地畝無力  
貸以牛種之費秋收扣還所有舊田圍渠閘洞修治  
俾無壞又設副使二員出資經理以為民倡我

皇上愛養元元與之圖萬世之安則營田樂利之政必將  
垂裕無疆所謂盡溝洫之利以佐平成之績者與神  
禹比隆不可以不紀也故於河渠之後別志水利營  
田以著其實效云

京東局

京東輔郡負山控海負山則泉深而土澤控海則潮  
淤而壤沃諸州邑泉從地湧一決即通水與田平一  
引即至具可疏鑿成田明臣徐尚寶貞明詳哉其言  
之矣萬歷中申相國時行特主其說以貞明兼憲職  
董其事乃之薊州招南兵之習農者畫地耕作墾田  
以億計畝收一鍾撫臣及司道方次第開報而中官  
在上左右者爭言水田不便御史王之棟疏請罷後  
時行上疏極陳利便竟不可回而垂成之功廢於一

旦議者惜之雍正四年春怡賢親王奉

命查修水利徧歷諸邑陟嶽降原尋泉視土以貞明之言  
為信而有徵

奏請委員營治為農民倡畝收三四石不等五年遂開  
局經理并及京西京南天津等處畫界分督次第開  
種而肇端試可則自京東始

玉田縣

袁家莊馬營曲河頭羅畢窩等處營田引小泉

暖泉孟家泉黃家山泉藍泉等河之水仍洩水於  
本河按邑境北面負山湧泉成河明臣徐貞明謂  
後湖莊疏湖可田小泉山引泉可田而潞潦泥塗  
久為棄壤今委員築圍濬淤多建閘座以裨節宣  
田成一萬八千餘畝俱歲獲豐收古稱種玉近頌  
成金良有以也

雍正四年縣治東北素家莊西南曲河頭等處營治  
稻田共七十六頃五十三畝農民自營稻田共三

頃五十五畝

雍正五年縣治東南韓家莊西南邢家樓等處營治  
稻田共三十九頃五十畝農民自營稻田九十八  
畝

雍正六年縣治西南曲河頭等處營治稻田共五十  
八頃四十五畝農民自營稻田共二頃五畝

雍正九年改旱田四頃

雍正十一年縣治東南羅畢窩等處營治稻田共二

百三頃十三畝九分

豐潤縣

橫沽王蘭莊刁家窩曹家泊盧各莊車道鋪望林  
泊梁家灣胡家泊等處營田引陡河泥河黑龍潭  
楊家井等泉之水仍洩水於本河按豐潤負山帶  
水湧地成泉疏河引流隨取而足徐貞明指為土  
膏腴而人曠棄可修舉以兆其端者今委員築圩  
開渠閘蓄洞引次第就理咸歲獲豐稔從此擴充

務極水力潤澤豐美之名洵不虛也

雍正四年縣治正西高麗鋪盧各莊等處營治稻田  
共一十六頃二十五畝一分

雍正五年縣治西南曹家泊等處營治稻田共一十  
八頃二畝二分農民自營稻田共三十五頃二十  
八畝

雍正七年縣治正南王蘭莊刁家窩等處營治稻田  
共二十七頃八十一畝農民自營稻田共四十頃

二十九畝

雍正九年改旱田十一頃五十四畝

雍正十年縣治正南王蘭莊車道鋪望林泊老潭等處營治稻田共一百一十九頃七十八畝

又王蘭莊菱角泊三家淀等處營田副使光祿寺卿王鈞建閘築圍營治稻田共五十頃

雍正十一年縣治正南梁家灣胡家泊等處營治稻田共一百七頃六十七畝九分四釐



遷安縣

徐流營三里河泉莊等處營田引徐流河三里河  
黃山泉河之水仍洩水於本河按灤河入口邑首  
受之源高勢猛引用為難然各屬支河藉以滙歸  
故少漲溢之患而涓滴皆農田之資徐流營山下  
湧出五泉合流入桃林河三里橋湧泉流出灤河  
又黃山之麓清泉噴湧俱夾岸可田前人論列甚  
悉今委員相度圍堰渠閘隨宜布列分引灌溉田

成千六百畝次第擴充人力修而地利可盡矣

雍正四年縣治東北三里河徐流營西北雲峰寺等處營治稻田共一十二頃七十八畝四分

雍正五年縣治西北泉莊營治稻田共二頃五十畝  
東南丁家泉平坡營廬溝堡磨眼泉等處農民自營稻田九十九畝

灤州

冉各莊孟家店黃家莊等處營田引沂河暖泉暨

福山泉館水仍洩水於本河按灤州地平而潤水清而駛泉流縈帶土岡環遶無處非大耕水耨之區今先於其易者設閘疏渠萊蕪悉成稷稻若逐加搜滌壅節宣播其利不可勝窮也

雍正四年州治增河沿王家店老新莊蘓家莊等處營治稻田共八頃十一畝農民自營稻田二頃十九畝州牧朱煌營稻田十三頃五畝三分

雍正六年州治梅莊營治稻田二頃七十七畝農民

自營稻田五十畝

雍正七年州治西北孟家店等處營治稻田共三頃  
十九畝七分

雍正九年改旱田五頃三十八畝二分

平谷縣

龍家務水峪寺等處營田引洵河及山泉之水仍  
洩水於本河明臣徐貞明歷指京東州邑以龍家  
務水峪寺為著今按其所指委員相度置閘疏渠

果成膏壤而相近之東高村稻地莊亦有山泉次第營治以收其利昔之托諸空言者今則徵其實效矣

雍正五年縣治正東龍家務東北水峪寺等處營治稻田共五頃三十五畝農民自營稻田共七十六畝五分

雍正九年改旱田三頃五十畝

薊州

山岡莊鄭各莊馬伸橋等處營田引大小海子等  
泉之水洩水於淋河按淋河納州北各山泉至白  
龍港會洵河為潑流河源遠流長可資灌溉故後  
魏裴延雋修漁陽堰前明徐貞明指鎮國莊水利  
亦可概見今先自州城東西附近沮洳之壤疏導  
山泉置閘開渠田成已五千餘畝由此而南漸次營  
治利尤數倍

雍正五年州治正東大屯莊三家店正西山岡莊等

處營治稻田共二十頃六十四畝五分農民自營  
稻田共二十九頃四十二畝

雍正六年州治正東三家店丁家莊正西夏各莊等  
處營治稻田共四頃五十四畝七分農民自營稻  
田共一頃九十四畝八分

雍正九年改旱田十三頃四十一畝

寶坻縣

今分隸  
寧河縣

八門城尹家園下汪各莊等處營田引薊運河潮

水仍洩水於本河按明臣袁黃為寶坻令開疏沽道引羣潮流於壺盧窩等邨教民種稻刊書一卷詳言插蒔之法載全集中蓋潮水性溫發苗最沃一日再至不失晷刻雖少雨之歲灌溉自饒浙閩所謂潮田也今委員疏濬舊渠建置閘洞汲引澆灌瀕海瀉鹵漸成膏腴但水須車戽而升北農以挽溉為苦改為蔬圃者六七現存者十之三耳

雍正五年縣治東南尹家園八門城等處營治稻田



共二十五頃五十三畝九分五釐五毫農民自營  
稻田共三十四頃二十八畝七分九釐三毫

雍正七年縣治東南下王各莊等處營治稻田共四  
十四頃七十九畝四釐農民自營稻田共七頃五  
十八畝七分四釐

雍正九年改旱田四十六頃五十三畝四分

### 寧河縣

東窩莊南窩莊岳旗莊江潢口林家莊張家莊齊

家沽田家莊等處暨本城營田引薊運河潮水仍洩水於本河按寧河縣本寶坻縣屬梁城所舊治改置也薊運河自北來至此分流環繞縣治復會為一涯廣流深潮汐最盛沽道頗多民間引戽以灌畦蔬因其地形濬渠置牐用極水利沿河數十村俱成稻田溝塍繡錯阡陌交通宛似江鄉風景而蘆臺一帶民利魚鹽不以沽塗自給多改為旱田近縣營田存者尚二十七莊皆獲豐稔焉

雍正五年縣治西關東關暨東窩莊南窩莊岳旗莊  
江潢口崔成莊齊家沽等處共營治稻田三十三  
頃四十五畝農民自營稻田四十九頃八十一畝  
一分五釐三毫

雍正七年本城及蘆臺等處農民自營稻田共二十  
頃三十九畝九分六釐

雍正九年改旱田三十七頃一十畝七分四釐

武清縣

桐林等處營田引鳳河之水仍洩水於本河按鳳  
河自

南苑流出涓涓一帶迤邐而東南至武清之堠上村  
斷流河身淤為平地一遇雨潦瀰漫四野運河堤  
岸亦受侵噬 怡賢親王親歷相度將弘仁橋之  
凉水河於高各莊分引而南至堠上村循鳳河故  
道開挖入淀俾積澇有歸即於桐林等村疏渠分  
引以資灌溉田成一千八百畝

苑圃以南淀河以北行潦順流杭稻葱郁從前所未有也

雍正五年縣治西北桐林村等處營治稻田共十八頃二畝五分一釐

### 京西局

京西諸河皆匯於西淀淀蓋宋人塘樂之遺也六宅使何承矩於雄鄭霸州平永順安等軍築隄六百里置斗門引水種稻經始之秋以霜早不熟浮言滋起承

矩不顧卒成之次年大稔輦糴進於闕下衆乃皆服自是軍糈取給水田而邊民因以富實後人言水利於畿甸者多稱之然其遺跡已湮沒無可尋求獨以地多沮洳居民於雨多之歲秧種洿澤以希幸獲而已雍正四年賢王親蒞相度一切疏泉引流壅淀事宜

奏請報可次年開局新安始自大潑淀漸及諸邑東至霸州西抵滿城北自宛平南及新樂凡可成田者次

第就理町畦溝澮宛似江南風景

新安縣

大潑淀太平莊趙家莊等處營田引電河依城河  
及淀河之水洩水於應家淀馬村河按新安三面  
皆積淀唯城北陸居而大潑等淀地勢低窪容城  
雨潦之水匯注為壑歲失耕稼閭閻凋敝雍正  
四年 賢王奏開新河一道上分電水溢流下  
歸燒車淀南岸築堤以資捍禦隣水循河入淀

永不為災大澱等淀沮洳遂為膏壤五年委員營  
治外作圍圩內疏溝渠建閘六座引用河淀之流  
杭稻徧野所收既多官為購買獲利常倍貧瘠  
之區皆蒸蒸殷富矣

雍正五年縣治西北大澱淀營治稻田共一百三十  
三頃三十五畝九分三釐農民自營稻田共一十  
四頃四畝三分

雍正六年縣治東北宋家莊東南劉家莊等處農民



自營稻田共五百五十九頃六十六畝九分九釐  
雍正七年縣治西南太平莊趙家莊西北大澱淀營  
治稻田共一百五十六頃五十九畝九分農民自  
營稻田共二十七頃八十八畝

安州

東西壘頭南北馮村等處營田引依城河及淀河  
之水仍洩水於本河按安州居新安上游積淀環  
繞地多圩萊自開局營田新民坐獲美利州人羨

之相率墾濟澤引河流自行插時營田一千六百三十餘畝收穫甚豐雖經畫未施而聞風興起亦足驗輿情之忻躍云

雍正六年州治西壘頭東壘頭邊村南曲堤同口郝官南馮村北馮村韓堡村等處農民自營稻田共十六頃三十八畝

安肅縣

白塔鋪古莊頭高林莊南梨園等處營田引督亢

陂及電河之水仍洩水於本河考督亢之名見於  
史記北魏裴延雋營督亢渠溉田為利十倍則督  
亢疏渠引溉之利由來已久邑志稱後周以易水  
東分為梁門按電河為南易水則梁門為電水所  
逕可資灌溉又確然可稽今開渠設閘之所即其  
處也營田以後屢慶豐登是督亢原田撫撫梁  
門水勢沄沄以今方昔不啻過之

雍正五年縣治東南南梨園等處營治稻田共四十

一頃二十一畝四分農民自營稻田共三十九頃  
一十畝二分

雍正六年縣治西北白塔鋪古莊頭高林莊等處營  
治稻田共二十六頃四十七畝二分五釐農民自  
營稻田共七十八畝

雍正九年改旱田八十頃三十一畝六分

唐縣

明伏莊大洋村溫家莊等處營田引唐河之水

仍洩水於本河前金尹劉弁明令楊一桂俱開渠  
溉田民資其利歲久廢弛今相度地勢疏渠設閘  
俾山麓平原高下承接遞相灌輸數十里町畦相  
望較前經理大為詳備北山杭稻西嶺雲霞不惟  
景物適觀亦且豐年屢慶矣

雍正五年縣治西北明伏莊大洋村西電水村等處  
營治稻田共七十頃三十五畝七分五毫農民自  
營稻田共一十一頃三十三畝五分五釐

雍正九年改旱田四十八頃八十一畝七分五釐五毫

慶都縣

高嶺村侯坨村等處營田引隍池北隆堅功湧魚等泉之水仍洩於本泉河溝渠閘座隨宜疏引雖細流涓涓而良苗懷新亦各得潤物之功焉

雍正五年縣治正東高嶺村營治稻田共一十二頃五十三畝五分

雍正九年改旱田一十頃四十三畝五分

涑水縣

赤土村八岔溝等處營田引涑河之水仍洩於本  
河土人亦時引水藝稻故於拒馬河自鐵鎖厓向  
南分支者名之曰稻子溝河蓋緣稻得名也猶經  
理未廣今相度地勢開渠設閘疏引以極水力我  
疆我理南東其畝俾舊治新營咸資灌溉之利焉  
雍正五年縣治東北赤土村八岔溝水北村等處營

治稻田共二十二頃二十八畝

雍正九年改旱田一十二頃四十四畝

房山縣

廣運莊高家莊南良莊長溝村等處營田引拒馬河挾河之水仍洩於本河土人於邑西南玉塘泉引水藝稻但泉力無多而拒馬河自鐵鎖厓以東水勢順流兼挾河東南貫注源流盛大引用不窮開渠設閘隨取而足十餘里畦塍相望較玉塘泉



之利更廣矣

雍正五年縣治西南廣潤莊高家莊等處營治稻田  
共二十頃四十二畝六分農民自營稻田共二頃  
七十二畝八分

雍正六年縣治西南南良家莊長溝村營治稻田共  
二頃八十九畝農民自營稻田共四十畝

涿州

茂林莊毛家屯普利莊北魯坡等處營田引拒馬

河胡良河之水仍洩於本河按明臣徐光啟言西北水利以涿州拒馬河水可引用又拒馬之北胡良挾河之水亦可引又州南海龍寺有督亢亭舊跡皆土壤膏腴之証土人於夾河引水藝稻溝渠圩岸且有條理今推廣營治三千畝若復能擴充規畫其利可勝言耶

雍正五年州治西北茂林莊毛家屯藍家營等處營治稻田共十九頃五十二畝農民自營稻田共四

十八畝

雍正六年州治西北普利莊北魯坡泗各莊等處營  
治稻田共七頃五十一畝農民自營稻田共二頃  
五十五畝

霸州

魚廠村高各莊臺山平口等處營田引中亭之水  
洩村北橋下仍入於本河按州南玉帶河統匯衆  
流汪洋浩瀚蓄洩維艱惟中亭支河頃水則引之

水足則止圍埵渠閘經理有法浸灌所及已獲豐  
收漸次推廣其利自普也

雍正六年州治東南魚厰村高各莊徐各莊等處營  
治稻田共二十九頃二十三畝二分農民自營稻  
田共一十二頃一十二畝

雍正九年改旱田四十一頃三十五畝二分

雍正十一年州治東南臺山村小圈內營治稻田十  
頃又十間房平口等村營田觀察副使光祿寺卿

王鈞建閘築圍營治稻田共五十頃

任邱縣

關城村營田引白洋淀之水洩於村後溝內按白  
洋淀為衆水所匯本村舊設涵洞引以灌溉復築  
月堤以脩不虞但地勢低窪野水過多前令許毓  
芳築堰捍禦稱為許公堰歲久廢弛田半荒蕪今  
復整理完固併為疏濬溝渠令自近而遠遞相貫  
注不惟水盈畦隴抑且潤及隣疆稻麥芄芄共戴

皇仁於不朽矣

雍正六年縣治西北關城村營治稻田共四十五項  
八十畝農民自營稻田共四十項

雍正九年改旱田二十四頃五十九畝二分

文安縣

蒼耳淀李齊淀流河淀等處營田引會同河子牙  
河之水洩水於淀池按文安縣為七十二河匯聚  
之區會同河自西而東子牙河自南而北至縣治

東北合流於積淀之內土人每於瀕河傍淀之處  
芟刈芡蘆挿時稈稻多獲豐收然淀河水漲嘗苦  
淹沒營田觀察副使臣劉勦革職効力員外臣秦  
嶠等奉

命代民修築於蒼耳李齊等淀立圍建閘疏渠設洞以防  
以灌俾節俾宣遂成永利焉

雍正十一年縣治西北蒼耳淀營治稻田一百五十  
四頃四十畝

雍正十二年縣治東北李齊淀流河淀營治稻田三百五頃

大城縣

李齊流河等淀營田引子牙河水洩水於淀池按縣境為子牙河所經即滹沱下流也於治東北王家口入淀而會同清流自西來會之餘波倒漾滙為李齊流河諸淀縱廣數千頃內村落以數十計跨文大二邑之間居民每於平灘淺瀨栽種秧田



水小則收穫倍常水大則沒無遺粒然其地三面距堤勢如環衛而土性膏腴最為宜稻之區唯北連巨淀防禦闕如故不能免於墊沒雍正十一年營田觀察使臣顧琮議令効力革職員外秦嶠建築北堤一道以資捍禦是歲淀內營田即獲豐收次年觀察使臣陳時夏

奏請於南面建閘引子牙河流疏渠引灌仍以秦嶠任其事而副使臣王鈞臣劉勣各捐貲築圍重加保

障又於北堤開設涵洞以備宣洩厝置得宜秋收大稔從此以漸開築數十里皆稻鄉也

雍正十一年李齊浚營治稻田三十二頃九十七畝四分

雍正十二年李齊浚流河浚營治稻田三百頃

定州

吳家莊曹家莊等處營田引小清河馬跑泉之水仍洩於本河圍埝渠閘隨宜布置而以均水為先務小

清河源發隍池滌其淤塞水勢較盛自西而東唐家莊先受之置閘停蓄次及吳家莊而以州南馬跑泉水濟其不及定為限期以次啟閉厥利均焉他若堯城等村引白龍泉張謙等村亦引馬跑泉疏引頗易毋煩區畫也

雍正五年州治東南吳家莊等處營治稻田共一十五頃八十八畝農民自營稻田共一項三十四畝雍正六年州治東南唐家莊曹家莊等處營治稻田

共二十二頃三十六畝五分農民自營稻田共二十二頃八十八畝八分

行唐縣

河合村歡同村等處營田引蓮花池及龍泉之水仍洩水於本泉河按蓮花池週圍泉從地湧寬以畝計迤邐東南流龍泉自西北來會之倚橋為閘隨塍為溝數里皆稻鄉從前所未有也

雍正五年縣治東北河合村塞里賈莊歡同村等處

營治稻田共一十四頃一十二畝

新樂縣

大流村牛家溝等處營田引海泉湧泉之水仍洩  
水於本泉河按湧泉源發邑西伏羲廟迤邐東南  
流海泉自南來會之歲久淤塞今具疏濬通暢俾  
溝渠承接遞相灌注雖畦塍無多而水利俱歸實  
用矣

雍正五年縣治東南大流村牛家溝等處營治稻田

共三項五畝五分農民自營稻田三十一畝

雍正九年改旱田一項九十八畝

滿城縣

一畝泉北奇村等處營田引一畝鷄距等泉之水  
仍洩水於本泉河按一畝泉源發邑之東南涌地  
噴珠澄泓盈溢鷄距紅花等泉亦連綿相接今委  
員勸諭令民間隨宜置閘引入畦塍灌溉優沃歲  
獲豐稔云

雍正六年縣治東南一畝泉北奇村尹家莊孫家塘  
等處農民自營稻田共二頃二十一畝九分

宛平縣

盧溝橋西北修家莊三家店等處營田引永定河  
之水洩水於村南沙溝內按永定河即桑乾水也  
明臣徐貞明言桑乾水經保安州境上有用土牛  
逼水成田者今保安懷來諸州縣稻田最盛皆於  
上流疏引隨高下以作溝洫淤泥停壅不糞而肥

茁發穎粟所收倍於他水今委員勸諭地戶踴躍從事營治將及二千畝盡獲倍收是亦桑乾可田之明證也

雍正六年縣治西南永定河上流修家莊三家店等處農民自營稻田共一十六頃

畿輔通志卷四十六



欽定四庫全書

畿輔通志卷四十七

水利營田

京南局

京南一局兼正定順德廣平三郡之地西帶重巒源泉並注而交流畢會於大泊所謂形如聚扇而滹沱二河為之外幹也民於其間壅流藝稻無煩導課而建閘築岸具有條理獨是食利者自私貪得者無厭

踞高則不知有下恃源而欲絕其流以故灌溉之餘  
陂池以浴鶩鷺而下游之舟楫鮮通洿澤以養菰蒲  
而隣邑之香粳盡槁故南局田不患其不營而患營  
之不廣水不苦其不足而苦水之不均 賢王親歷  
而稔知之開局委員均平水利遠者刻以日近者分  
以時於是靈泉流潤河澤旁通廣順之間增田至三  
萬八千七百三十八畝有奇而滹治上游瀕河沙磧  
之區立遏建壩排石留泥淤為膏沃得田一十五萬

三千一十六畝有奇尤為從來未試之奇也

磁州

務本村張家莊太平莊杏園營等處營田引滏陽河之水仍洩水於本河按元臣郭守敬言滏陽河水由滏陽邯鄲洺州永年下經鷄澤合入滏河可溉田三千餘頃近因磁人舍本逐末多種烟葉旋苗稻田漸減又緣地居上游閉閘築壩鬻水罔利下流不獲沾勺水之潤雍正四年經賢王

奏請改歸直隸統轄遣員分定水限均利息爭又勸州民種稻以重本計藝至十萬餘畝兼如期啟閉用資隣邑風移俗易所謂下令如流水之源者矣

雍正五年州治西北務本村張家莊量斗莊併東北太平村杏園營等處農民自營稻田西閘共四百零一頃四十畝東閘共六百零九頃四十九畝  
永年縣

張家莊南胡賈村馬道固村等處營田引滏陽河

之水洩水於郡北牛尾河前明廣平守高汝行永  
年令朱泰於河北岸設阜民等八閘水利大興嗣  
因磁人築壩攔水八閘已廢其五今磁州改歸廣  
平閘水分時啟放瀕河數邑均霑其潤而永年先  
受之溢水湯湯良苗翼翼一時頓復其舊云

雍正五年郡治西南張家莊莊南胡賈村等處農民自  
營稻田共一百零六頃二十畝六分一釐

雍正六年郡治西南張家莊趙家莊等處農民自營

稻田共四十二頃一十六畝九分四釐

雍正七年郡治西南南胡賈村北胡賈村等處農民  
自營稻田共三十六頃七十七畝八分六釐

雍正八年郡治東南利民閘大堤北農民自營稻田  
共二頃零二畝九分

平鄉縣

豆二莊周章村油召村等處營田引滏陽河之水  
仍洩水於本河按溢水至平邑已經上游疏引水

力稍弱攔水壅升厥利斯普變而通之以盡利斯之謂矣

雍正五年縣治東北豆二莊周章村重義町等處營田共十頃零二十七畝六分

雍正七年縣治東北油召村崔家莊等處營田共九頃三十八畝四分

雍正九年改旱田一十八頃四十畝

任縣

邊家莊牛新寨西北張村等處營田引滏陽并牛尾等河之水仍洩水於本河按溢水至任較平邑尤弱而百泉牛尾自西而東合而助之置閘疏分邑田萬畝皆藉其潤又大陸澤為上流之壑為下流之源新開澧河源於大陸源大而流盛夾岸汲引其利尤溥也

雍正五年縣治東北邊家莊牛新寨孫家莊等處營田共八十四頃五十九畝二分零五毫五絲農民



自營稻田共六頃十二畝一分二釐

雍正七年縣治正北西北張村大北張村等處營田  
共二頃七十五畝六分農民自營稻田共八頃五  
十八畝四分二釐

雍正九年改旱田八十一頃七十九畝二分一釐三  
毫

正定縣

雕橋村王古寺并城河順城關等處營田引大鳴

泉小鳴泉之水隍池西北隅之方泉邑東北西洋村之班泉歲久淤塞併疏濬通暢分流灌溉俱洩水於滹沱河由邑西北而至東南數十里町畦鱗次清漪迴環向之廢棄者皆青蔥入望矣

雍正五年縣治西北雕橋村王古寺并城河四面順城關等處營田共一十一頃八十五畝一分農民自營稻田共一頃六十三畝

雍正六年城河東西北三面併在城東西南三關廂

等處營田共三頃七十二畝七分

雍正七年縣治東北西洋村大林濟村等處營田共  
一十五頃五十九畝

平山縣

奉良莊川防村等處營田引滹沱併冶河之水仍  
洩水於本河按滹沱自正定以下土疏流湧時有  
泛溢去害不暇豈遑興利獨在邑境山麓夾束不  
患軼出蕪水濁泥肥於上流疏引布石留淤可以

成田但苦山漲衝突湏石堰捍禦工程繁費非民  
力所能為今遣員開築堰立而田成秔稻甚茂然  
淤泥積久則田高水不能上湏種蜀粟疎之俾土  
平而水可上水旱互易田乃可久此滹沱營田之  
法治河泥少亦如法行之可以得半皆營田之變  
例也

雍正五年縣治西北奉良莊并正北川防村等處營  
田共六十頃一十一畝農民自營稻田共二十二

頃零二畝

雍正六年縣治東北聖佛村義羊村水碾村曲堤村  
石橋村并西北朱濠村等處營田共九十九頃五  
十四畝七分農民自營稻田共九頃零七畝

雍正七年縣治西北賈北村近掌村通家口并正北  
川防楊村東北義羊村水碾村西南史家灣西村  
等處營田共一百四十四頃農民自營稻田共五  
頃四十四畝

雍正九年改旱田八十五頃一十四畝

井陘縣

防口村西河村洛陽灘等處營田引治河之水仍洩水於本河其疏引上流布石留泥傍岸築堰亦如平山滹沱之法行之雖荒土砂灘田皆可成秔稻暢茂亦營田通變之法但遇鑿石時火煨於前鹽沃於後工力維艱難以數舉也

雍正六年縣治東北防口灘營田共四頃二十畝

雍正七年縣治東北西河灘洛陽灘東冶灘等處營田共四十三頃

雍正九年改旱田五頃

邢臺縣

樓下村孔橋村小汪村等處營田引百泉併達活紫金等泉之水洩水於七里河牛尾河按郡城西北達活紫金等泉水力頗微土人灌稻田五頃而水力已殫矣獨城東南之百泉澄泓盈溢大以畝

計餘泉百數併湧地噴珠淵源盛大時出不窮不  
惟利周本邑兼可潤及隣疆但土人踞閘獨擅每  
啟爭端今遣員於春夏時酌田多寡依期啟閉厥  
利均焉復於河身狹處量為開廣利尤倍也

雍正五年縣治東南樓下村孔橋村并西北孫家莊  
等處農民自營稻田共七十八頃三十八畝八分  
雍正六年縣治東南小汪村宋家莊孟家莊等處農  
民自營稻田共四頃五十一畝



雍正七年縣治東南袁家店康莊鋪等處農民自營  
稻田共四頃零六畝五分

沙河縣

北九家莊趙村等處營田引邢臺百泉併小澧等  
泉之水洩水於橙槽并沙河內按沙河一名渦河  
源發山西遼州流入邑境水帶流沙夾岸積如岡  
阜伏秋衝突難以引用本邑祇分隣境餘潤用溉  
杭苗雖不滿千畝亦不忍利棄於地也

雍正五年縣治東北大村趙村徐旺村等處營田共  
一頃四十八畝四分農民自營稻田共三頃五十  
七畝一分一釐一毫

雍正九年改旱田七十一畝六分九釐九毫

南和縣

豆村河頭郭楊家屯等處營田引百泉河之水洩  
水於沙河併大陸澤按邑境雖有鴛鴦等泉然水  
脉細微難資灌溉邢邑百泉河源遠流長邑之均

利惠民等閘悉分其潤但邢人踞閘獨擅水頗失  
時今遣員於春夏時酌定期限如期啟閉以均其  
利邑杭萬畝歲獲豐稔正裒益之善舉也

雍正五年縣治西南豆村河頭郭等處營田共一十  
一頃九十八畝八分農民自營稻田共六十一頃  
二十四畝二分

雍正六年縣治西北薛家屯東賈郭等處農民自營  
稻田共七頃八十九畝八分一釐

雍正七年縣治西南張相村農民自營稻田共四頃  
四十三畝一分

天津局

天津營田全資潮汐一面濱河三面開渠與河水通  
潮來渠滿則牐而留之以供車戽中間溝塋地埂宛  
轉交通四面築圍以防雨滂皆前明汪司農應蛟遺  
制也汪公至天津見白塘葛沽一帶地斥鹵不耕種間  
有近河藝豆者每畝收不過二斗以謂此地無水則

醵得水則潤若以閩浙瀕海治地之法行之穿渠灌水未必不可為稻田而一時文武將吏諸人無肯應命者公乃以身倡之捐俸買牛制器開渠築堤先於葛沽白塘二處種水稻二千餘畝畝收四五石餘種蜀豆得水灌溉糞多者一畝收一二石惟旱稻以醵立稿於是軍民始信閩浙治地之法可行於北海而各官益信斥鹵可盡變為膏腴也於是疏請於朝以防海官軍萬人分田墾種屯政大興至今土人猶傳

十字圍所謂求仁誠足與食力古所貴者是已惟是  
民雜五方逐魚鹽之利取足旦夕而不為久遠之計  
雖禾麥之植亦鹵莽從事至沾塗升挽之勞益視為  
畏途以故旋舉旋廢雍正五年營田十圍今存者賀  
家口葛沽兩圍而已開局之始賢王深思遠攬以  
天津當河海咽喉為

神京牖戶而謠俗偷惰逐末忘本野多未闢之土家無  
檐石之儲闔閭熙穰田疇蕭寂無以仰副

聖天子加意郊圻移風易俗之至意又覽左忠毅光斗屯  
政諸疏大興水利於天津一帶稻花茂密因慨然欲  
復汪司農之舊蹟發帑委員尋求經理而積習粹難  
丕變美意未及觀成然圍渠遺趾現存稍加修葺未  
始不可溉糞沃淤長我木麥也爰紀梗概不忘厥初  
云爾

天津州

今改  
為縣

城南藍田及賀家口圍田引用海河潮水仍洩水

於本河按藍田康熙間鎮臣監理所開也河渠圩岸週數十里墾田二百餘頃召浙閩農人數十家分課耕種每田一頃用水車四部插蒔之候沾塗遍野車戽之聲相聞秋收畝三四石不等雨後新涼水田漠漠人號為小江南云理陞任去奏歸之官是後經理無人圩圳河淤數載廢為荒壤雍正五年營田天津農不習水種率逡巡觀望乃作秧池於藍田以倡導之濬舊渠引潮水灌溉滋培



秧苗蕃盛於是官民競勸共營田三十餘頃俱獲  
收穫六年營田觀察使黃世發自營五頃耕耨得  
宜畝收至五六石刈獲之際傳集各園地戶共觀  
之

賀家口圍其西半即藍田也東瀕海河因橋建閘  
周圍築埵園內開渠縱橫貫注共營田三十八頃  
九十二畝官民自營田九頃

靜海縣

今歸天  
津縣

何家園吳家嘴雙港白塘口辛莊等園營田引用  
海河潮水仍洩水於本河按何家園圍地勢平坦  
土性滋潤天然秔稻之鄉前明撫臣汪應蛟相度  
屯田以此為首園中有官莊園南有大人莊詢據  
老民當時屯田御史及屯田道廳等官駐劄於此  
故名雍正五年循照溝園舊蹟開築營田八十三  
頃十六畝民間自營田二十三頃四十畝

吳家嘴園三面臨河民間就沽道為園圃在津田

向稱上產五年委員開築於馮家口建閘引水并  
設涵洞三座分渠灌溉營田二十七頃九十二畝  
民間自營田十四頃四十一畝

雙港圍亦汪應蛟屯田舊地也循照故蹟開築東  
與何家圍溝渠相通兩圍互為蓄洩營田三十八  
頃二十五畝五分民間自營田三十八頃七十二  
畝

白塘口圍河形閘基皆汪應蛟屯田故蹟以董太

僕應舉於天啟中修復之故遺制猶存委員開築即用閘基舊石漆砌建造并設涵洞二座營田六十四頃六十七畝民間自營田四頃七十二畝辛莊園亦汪公屯田舊地也邨東西各有沽河一道西河即屯田故渠東河則津人鄭衛引水種稻所開也地勢平潤強潮內涌徃徃波及田間本與陸種不宜委員疏濬二河各置閘一座園內溝渠交注引新洩故留沃去鬴最為適宜焉營田六十

一頃六十二畝民間自營田五十九畝

滄州

今歸天津縣

葛沽盤沽二圍營田引用海河潮水仍洩水於本河按葛盤二沽畛域聯接自汪公應蛟肇開水田土人至今習知其利插蒔不絕亦能自製水車不以升挽為苦所產稻米幾與白玉塘齊名五年委員分建圍圩開渠置牐民地官荒營至五十九畝民間自營田四頃九十一畝

興國富國二塲

今歸天津縣

卷四十七

東西泥沽二圍營田引用海河潮水仍洩水於本河按泥沽距海口六十餘里河至此愈深濶潮來愈大亦汪應蛟舊屯地而董公應舉令經歷趙鑑等修復之河形宛在清塍之迹猶歷歷也循照開築東西圍各建進水閘一座洩水涵洞各二口營田三十五頃二十七畝民間自營田六頃二十八畝

按天津舊為衛治郊郭便參鄰境改州之後疆  
界未分故營田十圍自藍田賀家口而外隸靜  
海縣者五隸滄州者二隸興國富國二場者各  
一至雍正九年設府改縣更定幅幘諸圍地畝  
皆歸隸天津縣矣今仍營田府原冊所開編次  
用存其舊云

畿輔通志卷四十七



欽定四庫全書

畿輔通志卷四十八

陵墓

直隸古冀州之域故帝王陵寢郡邑多有之我

朝型仁表義惇崇典禮每值大慶遣官致祭於古聖帝  
賢王而凡陵原之在畿內者咸命有司歲時修葺著  
在功令至明昌平諸陵尤加軫念

世祖章皇帝躬親致祭又特致祭於莊烈愍帝

御製二篇彪炳宇內永禁樵採設守陵人戶給近地以贍之  
聖祖仁皇帝屢申前禁嚴飭守護我

皇上聖德光昭復求其後裔爵以通侯俾歲時展謁禋祀  
勿替大矣哉與成周庸建作賓之義先後同揆矣又  
伏羲開國之初首旌前明死節之臣范景文等十有  
九人而

世祖章皇帝親祭明陵手持一卮命大臣拜奠於王承恩之  
墓教孝作忠前史所未有也舊志以陵墓附古蹟今

特表而出之自為一類用昭

聖代仁義風教之過越於前古焉

順天府

遼

章宗陵 在三河縣北五十五里

金

太祖陵 在房山縣西北二十里雲峰山下名曰睿

陵

太宗陵 在房山縣雲峰山下名曰恭陵

熙宗陵 在房山縣義眉谷名曰思陵

世宗陵 在房山縣大房山東北名曰興陵

章宗陵 在房山縣大房山東北名曰道陵

宣宗陵 在房山縣大房山東北名曰德陵

本朝順治初特設守陵五十戶每歲春秋致祭

明

成祖陵 在昌平州北二十里天壽山南名曰長陵

仁宗陵

在昌平州天壽山西峰下東南名曰獻陵

宣宗陵

在昌平州天壽山東峰下亦名墨山名曰

景陵

英宗陵

在昌平州石門山東名曰裕陵

憲宗陵

在昌平州聚寶山東名曰茂陵

孝宗陵

在昌平州筆架山東南名曰泰陵

武宗陵

在昌平州金嶺山東北名曰康陵

世宗陵

在昌平州十八道嶺嘉靖十五年改名陽

翠嶺名曰永陵

穆宗陵 在昌平州大峪山東北名曰昭陵

神宗陵 在昌平州小峪山東名曰定陵

光宗陵 在昌平州天壽山西峰之右名曰慶陵

熹宗陵 在昌平州雙鎖山之檀子峪名曰德陵

莊烈帝陵 在昌平州錦屏山名曰思陵

本朝定鼎以來於明代諸陵隆禮備至特設司香太監

及陵戶時加繕治

世祖章皇帝親詣諸陵

御製祭文致祭

聖祖仁皇帝時飭所司嚴禁樵蘇敬謹防護

皇上又封明代裔孫侯爵

特遣官告祭諸陵有司以時修葺

按建文帝陵相傳在宛平縣黑山潭金山口北據  
兩京求舊錄云世傳景帝陵北有天下大師之墓  
好事者實之以為建文帝墳然訪之土人皆莫辨

其處也遼國之事野史紛紜以思思所獲僧楊應祥訛為楊應能而云老佛取入西內又言葬之西山不封不樹崇禎中都尉鞏永固請以建文帝入祀典思陵曰建文無陵從何處祭可知諸說之訛矣又按建文帝出奔之說王鏊陸深鄭曉俱詳載其事王世貞等力辨其非

景泰帝陵 在宛平縣金山口距西山不十里成化十一年上尊謚祭儀并如長獻諸陵



周

孫贖墓 在固安縣方城村東南一里有石門

漢

蒯徹墓 在府東廣渠門外八里莊古埠墓前有井

于欽齊蒯徹墓在臨淄東二里漢書徹范陽人  
高祖曰徹齊辯士未知孰是

盧植墓 在涿州東何村里土人呼為南臺

周堪墓 在霸州南二里

公孫渾邪墓 在霸州東二十五里長安客話公孫渾邪卒葬於平曲城俗名蓮花墓

樂巨叔墓 在文安縣東南二十五里樂毅生間間生巨叔漢高祖求毅後封巨叔為華城君葬此

韓延壽墓 在文安縣東南韓村

張堪墓 在保定縣西南二里

馬成墓 在平谷縣東二里

晉

張華墓 在大興縣六十里或謂在安肅縣西與劉伶墓相近

劉琨墓 在東安縣東二十里樓桑村

鮮于亮墓 在涿州東南三里

隋

楊君讓墓 在良鄉縣名勝志楊君讓墓在陽鄉舊店西有古碑

唐

哀忠墓 在宛平縣西十里相傳唐太宗為征遼將士葬處

羅士信墓 在寶坻縣北三十里羅莊村名勝志士信征高麗經此道卒葬焉

朱懷珪墓 在昌平州西北積粟山下

袁天綱墓 在涿州東北浮落岡

賈島墓 在房山縣南十里長安客話島授長江簿卒於蜀歸葬房山按唐蘇絳撰島墓銘島授遂

州長江縣主簿會昌癸亥七月終於郡官舍未浹  
旬轉授普州司戶參軍明年三月擇安岳縣移風  
鄉南岡權安鑑戒錄墓在岳陽山上岳陽普州地  
名雲臺編長江在東蜀境內賈浪仙冢於此處方  
輿勝覽長江縣賈島謫為主簿有墓在焉日下舊  
聞謂鄭都官有長江縣經島墓詩或長江與普壤  
相接故爾明志載入房山蔣仲舒謂歸葬房山不  
知何所本也

董甫墓 在文安縣西南安祖店縣志明萬曆初土人掘得墓石乃裴晉公撰文

張仁憲墓 在文安縣西北相公莊其故里也有廟  
五代周

竇禹鈞墓 在涿州西南二十里桐柳村人良鄉縣  
西北十五里竇家莊亦有禹鈞墓又見遵化州

遼

韓澤墓 在東安縣西北五十里更生村

金

劉樞墓 在三河縣西五十里

巨構墓 在平谷縣南八里

元

耶律楚材墓 在宛平縣西北三十里墓東有祠今

石像猶存

劉秉忠墓 在宛平縣西盧溝橋北

李孟墓 在宛平縣西北香山石井村

歐陽原功墓 在石井村

宋本墓 在宛平縣西三十里掘山村

新濟墓 在宛平縣西北玉河鄉新濟江西行省平

章死難宋濂撰碑

史天澤墓 在永清縣西南二十里黑岱村

托克托墓 在通州南故漕縣西南八里魯村之南

高克恭墓 在房山縣鐵網珊瑚高尚書西域人善

畫墳在房山羊頭岡下



王伯勝墓 在文安縣東南二十五里岳村

明

楊善墓 在大興縣東南十五里

金鉉墓 在東直門外六里屯

鞏永固墓 在永定門外

張輔墓 在宛平縣西南長星店

李東陽墓 在宛平縣西畏吾村

吳中墓 在良鄉城北怪它村東

王騏墓 在固安縣西一里子復墓附焉

傅好禮墓 在固安縣東知子營

李侃墓 在東安縣北五十里鳳河之陽

岳正墓 在通州南故漕縣西南二十里堅村

楊中行墓 在通州東召里莊

董方墓 在通州南故漕縣城柳川原

劉體乾墓 在東安縣北門外一里許

劉中敷墓 在通州北安德鄉

劉金墓 在三河縣西

邢昭墓 在三河縣東

芮釗墓 在寶坻縣東北一里

朱能墓 在昌平州東北百二十里

徐亨墓 在昌平州東北五十里

陳賢墓 在昌平州東北九十里

王真墓 在昌平州東北八十里

李濬墓 在昌平州東北七十里

周能墓 在昌平州西柳林村畔

王承恩墓 在昌平州愍帝陵側承恩明太監從愍

帝縊死

世祖章皇帝憫其殉難

御製碑文旌之及

駕詣明代諸陵

命侍臣酌酒其墓

李慶墓 在順義縣西三十里

李賓墓 在順義縣南二十五里

孫鏜墓 在懷柔縣紅螺山之陽

郭英墓 在懷柔縣紅螺山前

王通墓 在懷柔縣西北七里

成德墓 在懷柔縣寅洞里

李敦墓 在涿州南永豐里

田景賢墓 在涿州東二里

王遴墓 在霸州東

王宗義墓 在霸州東十五里

姚廣孝墓 在房山縣東北四十里太平里

邢表墓 在文安縣東南二十里龍街村

王儀墓 在文安縣北十八里張哥莊

孝子王原墓 在文安縣相公莊之南

王誥墓 在保定縣西南八里子顯宗墓附焉

燕忠墓 在薊州東三里

歐信墓 在薊州東三里

永平府

商

伯夷墓 在府城西北雙子山明志雙子山有孤竹  
長君之塚

叔齊墓 在府城西馬鞭山明志馬鞭山有孤竹少  
君之塚

中子墓 在遷安縣東團子山明志有孤竹次君塚  
傳曰國人立其中子蓋次君也

周

燕昭王墓

在玉田縣無終山按九州記云古漁陽

北無終山上有燕昭王墓明志云在府西清河縣側之燕丹村又按清河在廣平府此云清河未知何地保定府志又云在易州東南未知孰是

漢

公孫塚

在府城外赤烽嶺俗傳公孫瓚墓

三國魏



公孫神康墓 在府城南烽火山明志道南烽火山  
有公孫神康墓漢末公孫度據平州傳子康豈其  
所葬歟

元

王祥墓 在灤州南五十里祥元人官金吾上將軍  
征行兵馬都元帥

明

王珣墓 在府東蓮花源

韓應庚墓 在府南二十里

王銳墓 在遷安縣東

才寬墓 在遷安縣東三里灤河濱

魯鐸墓 在撫寧縣西北七里鏵山之陽

翟鵬墓 在撫寧縣南關外

高第墓 在灤州西百二十里唐山南

王好問墓 在樂亭縣東北二里

溫原墓 在樂亭縣東北三里

保定府

堯母陵

在慶都縣城內又丹朱墓在縣東門外

漢

博陵

在蠡縣東二里漢桓帝父翼蠡吾侯卒葬於

此後追崇曰博陵

宋

僖祖陵

在府治西南名曰欽陵

順祖陵

在清苑縣東南名曰慶陵

翼祖陵 在御城西北名曰安陵

周

廉頗墓 在清苑縣廉梁村

樊於期墓 在蠡縣東北四十里舊有廟碑

智伯墓 在東原縣東南三十里

劇辛墓 在容城縣東二十五里劇村

秦

甘羅墓 在唐縣東北二里舊有石欄石碣今僅存

兆址

漢

中山康王墓

在唐縣西北

中山頃王墓

在唐縣西北

中山憲王墓

在唐縣西北水經注涇水又東逕京

邱北對漢頃王陵北對君子岸岸上有哀王子憲

王陵又東逕白土北南即靖王子康王陵三墳並

列

中山簡王墓 在易州石虎置

陳平墓 在完縣西北十六里陳侯村

張蒼墓 在滿城縣西十里又安肅縣南門外有北

平侯廟

蔡仲冢 在高陽縣東寰宇記漢南陽太守高陽侯  
蔡仲冢仲曉厭勝之術其冢至今無狐狸穴

晉

劉伶墓 在安肅縣西二十五里名勝志在張華村

狀若青邱

唐

張興墓 在東廐縣北三十里即紅草坡興唐裨將  
餘草皆綠墓草獨紅

崔子玉墓 在祁州西南隅

張行成墓 在慶都縣東南

宋

周王元儼墓 在容城縣東北十里元儼太宗子真

宗弟也

楊業墓 在唐縣西北相傳業戰歿葬此

程氏墓 在博野縣程委村二程夫子五世祖塋也

明初碑始廢墓猶存塋北有二程夫子墓碣又有  
博士程琰墓亦在村中

金

章宗妃李氏墓 在新安縣南段村北五里

時立愛墓 在新城縣西北里許時昌國墓在其左



高漢回墓 在新城縣西百步

崔思義墓 在新安縣東北百步

孝子劉珏墓 在清苑縣南六里

元

張柔墓 在滿城縣北十五里岡頭村亦名張家峪

尚野墓 在滿城縣西北五里子師簡附焉

解誠墓 在定興縣南

劉因墓 在容城縣溝市村即波濤之賢塚也

張弘範墓 在定興縣西南十八里

王磐墓 在博野縣西北小店村

史弼墓 在博野縣東陽村

焦用墓 在雄縣西二里子德裕墓在其左

劉文墓 在完縣西五里岡

穆茂墓 在東鹿縣北六十里

王綱墓 在新安縣三臺村

拜珠墓 在新城縣西三十里

王壽墓 在新城縣中王村

劉金墓 在滿城縣南六里

明

韓文墓 在府城北二里有李東陽銘

傅珪墓 在清苑縣傅家莊

寇珪墓 在唐縣連頤村西

侯瓚墓 在雄縣東北二里子觀墓在其東一里

袁宗儒墓 在雄縣西七里

平寶墓 在東鹿縣四七營村西

李國樞墓 在高陽縣龐口村南

楊繼盛墓 在定興縣北河照村西明萬曆三年遷

葬於縣西南八里

本朝順治十三年

世祖章皇帝御製表忠論勒石旌其墓

孫承宗墓 在高陽縣城西北二里

金毓峒墓 在府城西金家莊

張羅彥墓 在府城西南

河間府

漢

樂成陵 在獻縣西南桓帝追尊祖河間孝王開為  
孝穆皇帝夫人趙氏為孝穆皇后陵曰樂成陵今  
廢人呼為樂陵臺

敦陵 在獻縣東南靈帝追尊祖解瀆亭侯淑為孝  
元皇帝夫人夏氏為孝元皇后陵曰敦陵

慎陵 亦在獻縣東南靈帝追尊父解瀆亭侯養為  
孝仁皇帝夫人董氏為孝仁皇后陵曰慎陵魏書  
地形志樂成縣有二王陵蓋指敦陵慎陵而言也  
樂成即今獻縣

周

琴高塚 在河間縣寰宇記高河間人塚在縣境

鮑叔牙塚 寰宇記在河間縣

扁鵲塚 在任邱縣廢莫州城東

孫贖墓 在吳橋縣東南十五里上有廟

秦

茅焦塚 在寧津縣北寰宇記在臨津縣

漢

河間獻王墓 在獻縣東八十里傍有廟王名德景

帝子

周亞夫墓 在景州西傍有祠明正統時立

董仲舒墓 在景州董家里

韓嬰塚

在任邱縣界嬰為漢常山王太傅

毛萇墓

在河間縣北三十里即毛精壘

董永墓

寰宇記在河間縣漢景帝時孝子

王尊塚

在府城西南隋經圖在武垣城東北隅尊

為東郡太守卒其柩一夜自歸今祀之呼為東郡

河翁神

任光墓

在任邱縣光為漢阿陵侯

張超墓

在任邱縣界超為漢平原太守



劉儵墓 在河間縣舊名三女陵寰宇記三女陵在河間縣漢光祿大夫劉儵與竇武謀誅宦官為曹節所害三女營葬於此故名

三國魏

張郃墓 在任邱縣廢莫州北郃為魏車騎將軍

晉

歐陽建墓 在寧津縣

後魏

高允墓 在景州西南二十五里高義村

封隆之墓 在景州東十五里老師村

北齊

劉晝墓 在阜城縣南義門鄉

隋

劉炫墓 在獻縣東八十里

宋

邢昺墓 在任邱縣東北黃壘村

六郎塚 在任邱縣榮井西俗傳楊延昭塚

金

麻九疇墓 在任邱縣廢莫州西

許安仁墓 在獻縣西七十里

許古墓 在交河縣東北七十里

元

魏禮墓 在肅寧縣北一里許

明

張泰墓 在肅寧縣北新莊之原

余繼登墓 在交河縣東繼登拜明禮部尚書

孝子王通墓 在寧津縣西北二十五里

范景文墓 在吳橋縣南三里許景文官明大學士

天津府

周

尹吉甫墓 寰宇記在南皮縣西三十里高三丈

漢

魏王豹墓 在慶雲縣東四十里

參戶侯墓 長蘆志在長蘆西北二十六里侯河間

獻王子

龍且墓 在慶雲縣東四十里

雋不疑墓 在南皮縣東南二里曹公固

晉

石苞墓 在南皮縣西十二里

唐

程日華墓

畿輔舊志在滄州將相鄉俗呼為程家

林日華與從子懷訊俱橫海軍節度使

賈耽墓

在南皮縣東有中書侍郎權德輿銘

胡曾墓

在滄州忠孝鄉曾為漢南節度從事

五代唐

李愚墓

在慶雲縣西二里

宋

賈黃中墓

在南皮縣城東

王翺墓 在鹽山縣西帽架園

正定府

周

樂書墓 在樂城縣西北五里

冀缺墓 在行唐縣西北二十里有古碑晉大夫冀  
缺之墓

三將墓 在正定縣北十里明志在府城北每塚相  
去百步許相傳戰國郡人藺相如廉頗李牧墓

孟嘗君墓 在元氏縣西十五里蘇陽村山脊上山下有鷄鳴口

漢

紀信墓 在晉州東百五十步舊志明嘉靖己酉知州黃明良立石以識又房山縣韓村饒陽縣黑山寺亦有紀信墓未詳孰是

趙王彭祖墓 在藁城縣東大墩村北漢景帝次子昔人耕塚得石碑刻曰趙王彭祖墓



趙佗先塚 在獲鹿縣舊石邑城北十二里漢文帝

為佗先人置守塚歲時奉祀

九女墓 在藁城縣相近趙王墓疑即附葬妃姬

郭主墓 在藁城縣西南正定恭王女下嫁郡功曹

藁城郭昌生子況為綿蔓侯女為光武皇后及薨

光武親臨送塋

侯坊陵 在無極縣西十三里寰宇記中山靖王七

代孫封資亭侯彌子塋此號為侯坊陵縣志訛為

故王塚今縣西東楊社有南侯坊村北侯坊村尚  
以故陵名

甄豐墓 在無極縣西南寰宇記又有諸甄九墓俱  
在無極縣西南三十五里

杜茂墓 在無極縣東北三十里陘邑村前

三國魏

李肅墓 在贊皇縣東十五里寨里村

南北朝魏

鎬厲王墓 在井陘縣東北十五里有北魏太和七

年墓碑曰開府儀同三司鎬厲王之墓

甄琛墓 在無極縣東北南劉村

魏收墓 在晉州北元和志在鼓城縣北七里

隋

李德林墓 在贊皇縣東寨里村

唐

魏徵墓 在晉州西南五里明弘治中被滹沱河淤

沒嘉靖中知州黃明良為修墓立碑崇禎中復為河淤

李知本墓 在元氏縣北五里方里村南

李嶠墓 在贊皇縣西三十里

李華墓 在贊皇縣西南三十里鮑家莊

李絳墓 在贊皇縣西三十里許亭村

李栖筠墓 在贊皇縣東延康村

李德裕墓 在贊皇縣東二十五里邢果村

顏杲卿墓 在贊皇縣南三里常山之民感慕忠義  
取其衣冠以葬之

五代晉

韓府君墓 在贊皇縣太平鄉北馬村府君名昌辭  
琦高祖也里人呼為韓評事墓

宋

曹彬墓 在靈壽縣西十五里朱樂村

董樞墓 在元氏縣南五里杜莊

韓億墓 在靈壽縣西北十七里阜安村

魏華墓 在贊皇縣西鮑家灘北山上

元

班祝墓 在樂城縣東二里

鄭溫墓 在靈壽縣東一里

王思廉墓 在獲鹿縣南五里

明

石瑄墓 在藁城縣南二十五里徐村西石玠墓亦

相近

李琦墓 在元氏縣西南八里紙屯村東

梁夢龍墓 在正定縣東盛阪村

馬從聘墓 在靈壽縣東北

馬瑾墓 在新樂縣西十里筆頭村

順德府

周

邢侯夫人墓 在府城西寰宇記邢侯夫人姜氏墓

襄國城西不知其處齊武平初有人掘冢得銅鼎  
五有蚪蚪字云邠侯夫人姜氏墓

程子華墓 在內邱縣西七里程子岡上

漢

耿純墓 在鉅鹿縣北三十里

馮唐墓 在內邱縣西馮唐村大覺寺之左有古塔

時苗墓 在平鄉縣東北二十里

晉



石勒塚

在府城西十五里俗號高平陵

張賓墓

在南和縣西十二里又有鐵頂墓在內邱

縣南周圍皆鐵廣三大餘或謂即賓墓

南北朝魏

游雅墓

在任縣東北一里

唐

宋璟墓

在沙河縣西北八里碑刻尚存顏真卿書

羅誠墓

在平鄉縣東周天村

宋

石熙墓 在府城西十三里

李章墓 在唐山縣東南三里

元

郭守敬墓 在府城西北三十里

劉秉忠墓 在府城南八里

張文謙墓 在沙河縣蓋村

劉德基墓 在內邱縣西程家灣

林起宗墓 在內邱縣南永安村

馬亨墓 在南和縣北三里

明

張瑛墓 在府城西三里賜葬

崔恭墓 在廣宗縣北十五里

朱棠墓 在府城南五里陳村賜葬

趙孔昭墓 在府城南十五里賜葬

王本固墓 在府城南八里百泉村賜葬

李若珪墓 在南和縣東二十里

廣平府

漢

甘陵 在清和縣東南三十里後漢書註甘陵孝德  
皇后之陵今貝州清河縣東水經注漢安帝父孝  
德皇葬其地尊陵曰甘陵邱墳高巨世謂之唐侯  
塚

南北朝東魏

二陵 在磁州東寰宇記滏陽縣東魏二陵孝靜帝父并靜帝二陵也隋圖經云在縣東即武城西北

大岡

齊

神武陵 在磁州東寰宇記高齊神武陵在東魏二陵之側去縣三里今天鹿石關尚存

周

程嬰公孫杵臼墓 在邯鄲縣西元和志公孫杵臼

程嬰墓在縣西十五里

竇鳴犢墓 在府城西寰宇記臨洺縣竇鳴犢墓在縣西南十三里

冉子墓 在府城西五十里瓜井村

趙鞅墓 在邯鄲縣西南寰宇記邯鄲縣石子岡有塚如研子世謂之研子塚是趙簡子塚

三王墓 在邯鄲縣西北二十里亦名三王陵名勝志趙惠文王孝成王悼襄王陵俱在城西北二十

里俗呼為陵臺今村即名為三陵村

趙武靈王墓 在邯鄲縣志應劭謂墓在靈邱縣

縣以此得名據史記趙敬侯初徙邯鄲敗齊於靈

邱敗齊之後五十餘年而生武靈是武靈未生之

先已有靈邱之名矣且武靈卒於沙邱越千里而

葬之靈邱亦不可曉按寰宇記謂滄州城東南隅

先有古墓高二丈唐貞元十三年增築外城掘得

銘記是六國時趙武靈王墓遂致祠祭戰國時滄

州屬齊北境何為而葬於此似亦未確

趙勝墓 在肥鄉縣東元和志平原君墓在縣東南

七里

毛遂墓 在府城南二里寰宇記肥鄉縣毛遂墓在

縣南七里

樂毅墓 在邯鄲縣東南史記樂毅卒於趙注張華

曰望諸君塚在邯鄲西數里元和志樂毅墓在縣

西南十八里輿地要覽樂毅墓在邯鄲今城東南



二十里故跡猶存附考魏書盧道將傳盧道將為  
燕邵太守下車表樂毅霍原之墓而為之立祠城  
塚記燕廣城君樂毅墓在良鄉縣南三里良鄉縣  
志樂毅墓疑返葬於此

廉頗墓 在清河縣西三十里寰宇記清河縣廉頗  
塚在縣界按史記廉頗卒死於壽春注正義曰廉  
頗墓在壽州壽春縣北四里諸志有謂在清苑縣  
西十里有謂在趙州東十里郭里村又云在邯鄲

東未知何據

蘭相如墓 在邯鄲縣西南史記正義蘭相如墓在邯鄲西南六里元和志蘭相如墓在縣西南二十三里名勝志邯鄲蘭相如墓去城西南三十五里入磁州界按寰宇記謂塚在莫縣曲陽縣志謂在縣北二十里相如村非

趙奢墓 在邯鄲縣西北名勝志邯鄲趙奢塚在縣西山本名紫山因奢塚在上故又名馬服山

漢

張耳墓 在成安縣東北三十里舊志沒於漳水誌  
石尚存字剝蝕難盡辨按冀州志謂在州舊城南  
門外左城下誤

李固墓 在磁州東志勝李固墓在城東諸瞿村碑  
刻尚存

杜喬墓 在磁州北志勝杜喬墓在城北二十五里  
之桃村宋林慮令王獵建祠其旁

李雲墓 在清河縣四十里冀州刺史賈琮刻石表之

三國魏

疑塚 在磁州南志勝舊傳曹操設疑塚七十有二森然彌望高者如小山列布至州城而止

岐安塚 在磁州寰宇記隋圖經云岐安塚在魏武陵東三里

晉

石季龍墓 在磁州西南元和志滏陽縣石季龍墓  
在縣西南十四里

佛圖澄墓 在磁州西南元和志滏陽縣佛圖澄墓  
在縣西南十七里

唐

宋慶禮墓 在邯鄲縣西二十里縣志宋慶禮宋慶  
賓永年人有墓在城西或誤指為宋璟墓知府秦  
民悅為立石辨之

宋

李沆墓

在肥鄉縣城西名勝志宋丞相李沆墓在

縣西城外後拓入城湮沒無跡

李椿墓

在府城西朱子有墓銘

元

王磐墓

在府城北四十里

何榮祖墓

在府城西三十里

吳元珪墓

在府城西臨洺鎮元瑜墓相近

竇默墓 在肥鄉縣東十里

張之翰墓 在邯鄲縣城東劉村碑刻尚存

劉肅墓 在威縣東樓鸞鄉孫賡墓附焉

元明善墓 在清河縣西三里

李齊墓 在廣平縣西關外

明

申佳胤墓 在府城西七十里

陳于陞墓 在曲周縣堤上村

張學顏墓 在肥鄉縣東南三里

賈銓墓 在邯鄲縣東南二里

張國彥墓 在邯鄲縣西五里王郎村後

石永墓 在威縣南三里

賈待問墓 在威縣北二里

### 大名府

顓頊陵 在開州西左傳衛顓頊之墟也杜預註今

濮陽縣有顓頊塚後漢書郡國志注濮陽縣城內



有顓頊塚按名勝志謂高陽縣城北一里有顓頊塚相傳為衣冠所葬

帝嚳陵 在開州西史記注帝嚳塚在東郡濮陽頓邱城南臺陰野中

倉頡塚 在南樂縣三十五里名勝志縣西有倉帝陵及造書臺

夏

闕龍逢墓 在長垣縣南寰宇記長垣縣龍城東有

闕龍逢墓

周

衛康叔墓 在開州北魏書地形志衛國有衛康叔  
塚

展禽墓 在開州東南柳村里

衛靈公墓 在長垣縣東名勝志長垣縣衛靈公墓  
在城東十里

蘧瑗墓 在長垣縣南十五里曹大家東征賦蘧氏

在城之東南分民亦饗其邱墳

孔悝墓 在開州西寰宇記頓邱縣孔悝墓在縣北

三里

閔子騫墓 在清豐縣西南名勝志閔損墓在縣西

南二十里

季路墓 魏書地形志衛國有子路塚畿輔舊志子

路墓在大名境者三一在清豐縣西南三十里一

在長垣縣東三里一在開州北戚城之東

漢

審食其墓 在清豐縣北魏書地形志陰安有審食

其墓

婁敬墓 在開州名勝志漢婁敬墓在州東南六十

里

汲黯墓 在開州西南寰宇記濮陽汲黯墳在縣西

南六十里

蓋寬饒墓 在魏縣東南八里

王翁孺墓 在府城東元和志元城有漢王翁孺墓  
在縣東二百步

吳恢吳祐墓 在東明縣西二十里名勝志縣西吳  
家村漢吳恢及其子祐墓尚存

晉

東晉墓 在元城縣東館鎮

唐

張公謹墓 在南樂縣三十五里名勝志唐張公謹

墓在縣西之王村按舊志謂在清河西南二十里

樊水邨記

羅弘信墓 在大名縣北十八里名勝志大名縣界

內唐魏博節度使羅弘信墓

五代梁

王彥章墓 在開州南徐鎮里

後晉

王清墓 在南樂縣西北名勝志縣北三里有五代

晉都虞侯王清墓

宋

劉安世墓 在府東北三里

晁宗慤墓 在南樂縣東名勝志宋學士晁宗慤墓  
在縣東四十五里有石門花甌封識尚固

元

張淳墓 在南樂縣西南二里

王珍墓 在南樂縣西二里

明

朱旺墓

在東明舊縣南十里

魏允貞墓

在南樂縣南關外

成基命墓

在府城南關

宣化府

南北朝魏

寇讚墓

在宣化縣

遼



楊伯通墓 在西寧縣

金

王國綱墓 在西寧縣

程輝墓 在蔚州

元

劉敏墓 在宣化縣宣鎮志元宣德有安撫使劉敏墓

譚資榮墓 在懷來縣

楊贊墓

在蔚州

高琪墓

在蔚州

王敏墓

在蔚州

郭欽墓

在保安州

明

朱永墓

在府城外

楊信墓

在府城外

周賢墓

在府城外明開平叅將死事

陳玉墓 在府城外

楊洪墓 在赤城縣北舊開平衛相近有洪從子武

強伯楊能墓

王本墓 在赤城縣明嘉靖間指揮同知死事

張憲墓 在赤城縣龍門所叅將死事

沈鍊墓 在懷來縣新保安城

向通墓 在懷來縣城外明指揮同知死事

李良墓 在懷來縣明正德間指揮同知死事

潘宗顏墓 在懷來縣開元兵備死事

張勛墓 在延慶州永寧衛明正德間指揮同知死  
事

易州

周

郭隗墓 在涿水縣東十里

宋

劉皇后墓 在廣昌縣北劉家莊

揚六郎墓 在廣昌縣南八十里范家臺

冀州

漢

顏良墓 在新河縣南二十里

南北朝

周德帝墓 在州城外帝名肱周武帝祖平齊之後  
改葬於此

唐

尉遲恭墓 在州城西十里尉遲堰下按唐書恭陪葬昭陵未知孰是

張昌齡墓 在南宮縣西北七里

孔穎達墓 在衡水縣西北五里畿輔舊志塚不甚

高但塚前數尺之內寸草不生是其異也有元大

德七年縣尹袁緯碑記

蓋文達墓 在衡水縣東南二十里蓋村有于志寧

碑記

金

路鐸墓 在州西北十八里南莊村

明

白圭墓 在南宮縣東七十里白塔村子鉞墓附焉

趙州

唐

祖陵 在隆平縣南王尹村北元和志宣皇帝建初陵光皇帝啟運陵二陵共塋周圍一百五十六步

畿輔舊志陵為開元八代祖宣簡公並七代祖懿  
王隋義寧初常有五色雲籠其上高祖起運號曰  
建初陵象城尉楊晉所撰光業寺碑存焉

漢

李左車墓 在州西八里宋村西林寺內按保定府  
志左車墓在容城縣南十五里定州志左車墓在  
曲陽南牧山之陽而行唐史家莊深州東南歸化  
村俱有左車塚真偽不可辨但左車本趙州人古



者士大夫歿歸葬於鄉疑此近是

任教墓

在隆平縣東四里俗呼七里邱

馮唐墓

在州南二十里沙河店

耿純墓

在州東二十五里龍化村

堅鐔墓

在柏鄉縣北二十里鄆城西南舊志今管

村有管姓者相傳是其後以避隋文帝諱改為管  
鐔為潁川襄陵人不知墓何以在此

晉

楊駿墓 在寧晉縣北寰宇記寧晉縣楊駿墳在縣北十里高一丈

宋

曹玘墓 在寧晉縣東三十里延白村光獻皇后之父武惠王彬祖墓也明邑人御史蔡穀置祭田

金

焦旭墓 在柏鄉縣南二十里南魯村碑碣尚存

元

王忱墓 在寧晉縣北下王村西明蔡黻置祭田

陳祐墓 在寧晉縣西南二十里弟天祥孫思謙同

葬此

明

曹鼎墓 在寧晉縣南四里汶水上

蔡黻墓 在寧晉縣東三里澧河之原

深州

商王墓 在饒陽縣西南勝水村昔有掘井者見墓

門題曰啇王墓遂不敢入而止

漢

崔實墓 在安平縣西

南北朝魏

皇甫興墓 在武強縣西北皇甫村舊志興歷河陰

太守卒於隋開皇中葬於咸通三年其銘陰云吾

葬後一千三百年被王洛州發之明嘉靖七年如

其姓名發無所見止得銘石知縣馬克復葬而封

之尋被水衝出州民移葬遂村今尚存

唐

劉幽求墓 在武強縣西北

魏府君墓 在州東南十里舊志魏知古父名行覽  
贈河陽令葬於此知古有誌銘

李百藥墓 在安平縣東北

五代晉

李自倫墓 在州東二十五里大馮村

宋

呼延贊墓 在武強縣皇甫村

李昉墓 在饒陽縣武公村

歐陽珣墓 在州南二十五里舊城外珣吉州人宋

靖康中使金會深州固守不下以珣招之珣慟哭  
勉城中以忠義遂遇害葬此

元

牛繼志墓 在武強縣西繼志至正時狀元

明

張鳳墓

在安平縣東南十里

杜時墓

在州東北三里順天府尹

熊國俊墓

在西門外州吏目崇禎癸未殉難

貞烈岳氏墓

在州城西

定州

漢

中山靖王墓

在定州治永豐倉西漢景帝子名勝

金方里人  
卷四十八  
塚高二丈許明知州倪機開神道立石識之

唐

陽城墓 在定州一里

談英墓 在曲陽縣北英唐孝孫人呼為孝墓

元

德遜墓 在曲陽縣東南三十里


楊瓊墓 在曲陽縣南二十里

尚文墓 在深澤縣西南二里許



明

尚宰相墓 在深澤縣西南三里宰相乃神仙名



畿輔通志卷四十八